

安陸府志卷之二十二

宦業列傳

名爲實賔匪巧可竊或略或詳或取一節春秋之義未敢濫列何以永之追踪前哲傳宦業

鍾祥縣

梁用

梁用字 洪武三十一年以人材貢授戶部主事歷陞重慶知府政善民安丁母憂奪情復任卒於官郡民哀送遮道如失所怙

安陸府志

卷二十二

一

但元行

但元行洪武中知武陵開荒建署興水利民咸賴之  
從龍

從龍字雲峯成化乙酉舉人知麻哈州教民織巾以冠訓士以詩書遂成文物之俗推懷慶知府逆瑾求賂公乞休獲允仍月給米四石進階朝列大夫

孫交

孫交字志同□□辛丑進士歷吏部文選郎中秉銓  
□□□□□□□□□□通除非孫志同歷

陞南吏部尚書改戶部免歸嘉靖初召爲戶部尚書  
建言中官監餉冗蠹及御馬房事復奏安陸民貧役  
重每歲有起運錢糧乞改爲存留上皆嘉納之卒謚  
榮僖贈太子少保子元亦仕至副使

### 沈文華

沈文華字崇實弘治丙辰進士爲刑部主事曾上疏  
直學士程敏政主考之寃事奏多平反京師爲語曰  
有疑有難必問沈反歷官陝西提學嚴立科條振作  
士氣尋以忤權貴謝政歸

### 安陸府志

### 卷二十二

### 二

### 劉臬

劉臬字憲甫與兄槩槩渠稱石城五鳳初授刑部主  
事改監察御史戊子值雲南土司安鳳文反詔令選  
風力老成御史往按之公至則明罰勅法寇氛底定  
後歷官都御史巡撫山西時邊備久弛公修葺有方  
後謫戍貴州隆慶間復原職

### 張漢

張漢字濯之正德甲戌進士歷兵部左侍郎公生平  
清貞守劇郡有循良之風及佐邦計出納惟明提兵

雲朔才猷克壯後謫戍岢嵐輿論稱冤嘗作儉說以化鄉閭隆慶元年贈兵部尚書

裴椿

裴椿字永年正德丙子鄉薦歷官守延平府恤民隱解宿弊公明正直節儉仁愛平反冤獄多賴全活後士民感慕舉祠名宦至今郢上稱先輩典型

李得春

李得春字元甫嘉靖癸丑進士由推官擢禮科給事中時分宜當園公兩抗疏極諫出尉秦興轉石埭縣令多政蹟陞滇南僉憲以內艱歸杜門謝請托遇地方利病直言多所裨益

劉庠

劉庠字養吾嘉靖己未進士由推官擢監察御史以侃直著巡撫貴州時黔方多事公拊循有方賴以寧謐進南兵部右侍郎卒年七十有七

曾璠

曾璠字子玉嘉靖壬戌進士歷官叅議公初爲北部郎治獄有聲後予告歸以子貴封太保公緋衣玉帶

不以爲意時角巾竹杖選勝山水問卒年八十有四

張垓 垣

張垓字雲岵萬曆乙未進士歷官大叅所至有聲建祠堂置義田以周族之貧者弟垣丁未進士官兵部郎中介性清節宦橐蕭然圖書數篋而已

張第

張第字鳳塗萬曆癸丑進士累官瓊州知府保障潞澤恩惠及民致政十餘年居鄉平恕里人咸頌德焉

呂隆

安陸府志

卷二十二

四

呂隆字仲昌萬曆丁未進士任戶部主政雖處煩劇能以恬靜自處涉獵子史百家工於詞賦有文名

向日升

向日升字青櫛萬曆癸丑進士初授梁山令調丹徒遷兵部主事安苗肆逆公備兵思石應機撫勦指授方略皆竒中卒平其亂歷陝西藩轄其奏疏文集間有見於明史實錄者

徐起陸

徐起陸字伯起萬曆己未進士除肥城令政教備舉

民不勞而事集且力持清操宦歸蕭然詩酒自娛不改寒素之風

### 黃卷

黃卷字蘭輝天啓辛酉舉人丁丑會試不第值懷宗親策奏對稱旨賜進士授雲南呈貢令性儉樸布袍蔬食居數月與上官語不合卽解組歸

### 劉彥

劉彥字心蓼天啓乙丑進士知太倉州遷刑曹奉詔恤刑京畿輦轂無冤民歷守泉廬二郡清操爲時所安陸府志

卷二十二

五

重年八十餘卒

### 孫麟

孫麟字伯馭崇禎辛未進士司徒贈少保孫交之孫司徒公遺焦尾琴一金星硯一付子孫曰一文無也還留硯四壁蕭然莫賣琴至公時琴硯已不存惟捧遺訓力學晚成由會稽令累遷廣東叅藩惠政宜人一時傳誦之

### 李向中

李向中字立齋崇禎庚辰進士授秀水令理劇治煩

□□□□□□□□民極力興除不爲權貴強禦所阻歷官兵部侍郎

陳纁

陳纁字絃公崇禎庚辰進士由兵部主事歷榆林道肅清風紀卓有政聲後隨瑞藩入蜀獻賊破城舉家殉難

盧夏起

盧夏起字嗣嫩性恬靜自愛魁梧碩偉以文行稱崇禎末選舉賢良方正授橫州判居官有能聲

安陸府志

卷二十二

六

國朝

王第魁

王第魁字聚五國初由生員授荊州知府撫恤凋殘大著治績陞歸德知府遷粵東臬司歷官陝西右藩江西左藩疏請蠲積逋集流亡所全活甚多生平以孝友著崇祀鄉賢

京山縣

唐本忠 素

唐本忠其先監利人幼聰哲才氣不凡當元末輕鄙儒服公獨厲志問學博習書記有鄉曲之譽會倪文俊起沔陽聞公名使使召之公知其無遠畧拒不往遂將幼弱避入京山子陵村家焉洪武初舉經明行修授京山教諭開立宮墻陶育士類甚有剏始之績後以事被逮免歸卒子奉先見孝行奉先孫素

安陸府志

卷二十二

七

種茄夏月以醬漬之諸子每食合給一枚其清儉如此後入爲南京廣東道御史羸馬敝衣遣二子歸試其李儼髻齡中式掌院都御史以楚闡錄示之公了無喜色數年出爲廣西僉事卒

馬瑛

馬瑛富水人其父徙居太陽畝公生而敏博少有才名中鄉試第二先是唐奉先亦舉第二入朝楚莊王王問之曰汝縣復有才俊如汝者乎奉先卽以瑛對至是果與奉先名第同後授九江教授甚有當官之

譽然非其好也竟罷歸

張倫 從道 璈

張倫字伯叙洪武初舉經明行修詣闕以母老辭歸再舉孝廉授本縣訓導爲人敦樸有師範勤於訓誨在職十有八年卒是時禁網嚴密公久仕無間言士論頗以爲難子從道

從道字質德洪武丙子領鄉薦通判盧州以清慎聞明太祖遣使賜羊酒爲勞初擢知徽州案誅豪猾郡中清靜時人比之劉寬以憂歸服闋補永平興立學

安陸府志

卷二十二

八

較郡人從化時比年傷水災民多流殍公應時聞奏不待報而先發倉粟以賑之全活甚衆郡界逼接遼海守邊吏士糧饋缺乏公陳便宜令四方商旅納粟償以斥鹵詔從其議嘗有寇抄掠郡境軍圍堅壁不敢出公單騎率吏民追之寇呼曰張太守來矣還所掠而遁後進山東按察司使卒于官孫璈

璈字廷和幼傳家學爲諸生有才名領鄉薦授夏津令在官廉勤百姓愛之尤加意庠序脩飭學宮後被疾自題屋壁以受任安民爲念民至有就榻前陳訟

牒者郡太守遣醫視之卒不起沒後篋中惟紡績布二十餘端祇侯銀七十餘兩廩生姜鴻以狀白府略資給之始能歸今祀夏津名宦祠

嚴誠

嚴誠字克誠正統甲子解元戊辰進士授兵科給事中在職有直聲使琉球慷慨就路至金陵發病卒

黎永明

黎永明字光□□泰甲戌進士性孝友歷順德知府郡治前建清□□□以爲無忝後有中貴恣橫公撻

安陸府志

卷二十二

九

之數十事聞械至京師謫夔州同知卒於官子奭奭字師召正德辛未進士拜禮科給事中彈擊無所迴避江西華林諸寨用兵奉命徃紀其功又與少卿燕忠同治李夢陽獄還奏稱旨遷南通政白巖喬公亦官南部與之友善後喬執銓衡公一無閔請羅峰張永嘉執魁柄與公有布衣交公亦未常干以私後轉工部侍郎督陵工既畢遷兵部左侍郎罷歸

袁佐

袁佐字國佐成化丁未進士內鄉縣令公機鋒□□

有□才政事超卓□□□鄉六年召爲御史出按廣西□□精察獠人畏憚已而遷陝西僉事以憂歸

王大本

王大本字立之領弘治壬子鄉薦拜穎上令公爲諸生才名籍甚典學薛公嘗曰景陵魯生京山王生並湘湖竒士也魯卽文恪公鐸王卽公每按縣稽核諸生誦習輒使公代臨之其見愛重如此治穎有惠政百姓德之日進諸生論說古今耻以簿書期會見長未幾謝歸囊琴襪被不携官中一物自言吾居官三

安陸府志

卷二十二

十

年使士民呼我爲清白吏所得多矣穎上至今頌焉

胡偉

胡偉字邦竒正德辛巳進士授永新令時有例科田諸郡邑具文書而已公獨奉行唯謹因地定稅因稅立徭百姓稱便遷知穎州其治頗倣永新穎人亦愛之然賦性純恪不肯熾趨以邀譽當事者雖知其贄不甚推引居二年謝歸

王橋

王橋字汝濟嘉靖丙戌與其弟格同登進士除錢塘

令三年贇聲冠浙中召爲陝西道御史巡視北城紀  
令明肅爲權貴所忌方視榷淮上落職判鄧州居五  
年始移淮安通判遷南太僕寺丞進南戶部郎中出  
守慶遠却苞苴振廢滯與柳州諸郡合兵討黑隆諸  
溪洞蠻有功拜金帛之賜遷廣西叅政典糧儲黃籍  
二事門無稽務桂嶺間甚稱之未幾進河南左轄入  
覲畢言者以年衰列上罷歸卒年六十七祀鄉贇

### 李淑

李淑字師孟嘉靖庚戌進士累官廣西右布政公對  
安陸府志

策時夏太宰竒其材欲薦鼎甲而忌於分宜故下之  
僉憲浙中有破倭功而分宜之私人趙文華復攘而  
有之後以他事調歸再起山東敷歷今官公長子維  
楨以文名海內維標舉進士維極維柱皆孝廉

### 劉侃

劉侃字正言嘉靖癸丑進士任戶部郎管稅廉正有  
聲轉成都守平薛兆乾之亂陞洮岷道西土賴以寧  
謐時黔方多事轉黔觀察使陞福建左轄致仕卒著  
有新陽詩草

董良遂

董良遂字元顯嘉靖戊午舉人由嘉州學正遷高淳令邑多訟師日持有司長短莫敢問公廉得其魁禽治之里胥歲供上官器用公力禁駟儉非時索賈又歲省輸賦者私費數千金高淳人尸祝之竟卒于官

郝承健

郝承健號玉吾嘉靖辛酉舉人初授嘉定州學正遷肅寧令因傳廚不豐失上官意左遷保定衛經歷頹垣破屋寂同蕭寺以文史自娛而已丁母憂遂歸爲

安陸府志

卷二十二

十二

詩文任意所之不喜雕刻遺草載山草堂集中

王宗載

王宗載字時厚嘉靖壬戌進士授海鹽令廉能卓冠一時徵爲廣西道監察御史巡視北城繩巨璫京輦肅清嘉靖年中貴人守獻陵倚勢作威郢府梁府設奉祀元佑宮增置焚修道官守陵添差錦衣衛使公抗疏悉其害上皆報可冒濫爲之一清出按閩中墨吏聞風解印綬去會海寇內訌當事者推公紀功公品隲文武將吏功罪犁然不爽已而視京營晉大理

□少□□□□御史協理院事所至有赫赫聲卽  
張京兆□□□不過也年八十二卒

馬政

馬政字君牧由明經爲麟遊令廉績茂著以季子呈  
鼎中鄉試卽乞休父老遮道攀留不得行遣子泣詣  
當道方解組歸山居二十餘年教子課農裹足城市  
年八十一卒

王堦

王堦字震吉萬曆癸未進士初授行人再任戶部郎

安陸府志

卷二十二

十三

中上䟽條陳文武利弊如聘廣文典試以復祖制禁  
掌篆正官勿與場事以妨政務裁解京冗錄以惜財  
用減閱試諸差以裕邊儲大司農蒲坂楊公閱而心  
折之監兌蘇松諸郡漕糧臨清倉場先後積羨一千  
二百有竒具䟽上之遷漳州知府卒于官

譚完

譚完字伯趙領萬曆乙酉鄉薦官河南許州學正庚  
子聘順天分考遷銅仁司理公性剛直清白自矢有  
士司欲脫重辟投以金諭慰而卻之時播亂初平公

安集流亡甚衆久之移同知臨洮清操愈厲有縣令遺扃鑰一櫝署曰某書公受之啓櫝則粲然金壘一具也公駭且怒遣吏送還又嘗攝鎮遠府半載新守將至視帑中約千餘金吏白此耗羨宜歸私橐者公不納後因署篆鞏昌徃謁分司郭公病作遂卒于坐僚屬爲具含殮資其路費櫬乃得歸

### 劉棟

劉棟字吉卿領萬曆乙酉鄉薦屢困公車不欲仕隨州何相國年友也欲以內翰授之謝不就屏居子陵

安陸府志

卷二十二

十四

山舍厭入城市守令無由得見嚴一介取與甘貧苦節四十年歲凶窘不能支或餽遺扃戶不納潔搽可方古廉士所著有猶覽集歷代史論襍著藏於家

### 王宗綦

王宗綦字時榮萬曆丙戌進士初授行人以封王奉使河南陝西皆以清慎名歷任禮部儀制司主政具有正三綱建儲疏聲滿中外後因同官失誤東封削歸里兩臺前後以地方人才薦者數十及泰昌時起補原職乞致仕溫旨不允尋遷尚寶司卿致仕年八

十有一卒祀鄉賢

王頌

王頌字士直號青鳧領萬曆戊子鄉薦初選巴東諭  
庚子分試中州拔元得名士轉南溪令邑徵賦無法  
公置忠孝廉節四匾命細民署名投之官無竒羨里  
胥鮮侵隱者播囚之役公轉餉於道有積尸浮江而  
下懸賞格瘞之劇盜嚴正卿嘯聚山谷公首縛之平  
其餘黨以外艱歸老雅哭聲震郊服闋除蒙自令開  
水利灌田數千畝邑人刻石題曰王公渠攝郡者修  
安陸府志

卷二十二

十五

公卻左遷華亭丞署篆青浦明日竟卒臺察與郡紳  
爭致賻始得輿喪而還其清苦如此康熙三年郡邑  
交請與子應鼎同日崇祀鄉賢

馬呈鼎

馬呈鼎字定甫萬曆戊子舉人授遂安令均徭畫一  
民困大蘇於豪猾一無所貸境內肅然尤加意作人  
如書田方公孺初毛公皆所識拔遷亳州守政令悉  
如在遂安時崇祀名宦鄉賢

□□

袁樞字斗一少負才名年十九領萬曆辛卯鄉薦中辛丑副榜署商河諭陞巢縣令潔己愛士一時人才多所造就如詞林王琨樂陵史高先新城王象巽皆其首拔士也人咸服其藻鑑泣任甫九月而卒

### 潘達

潘達字劇驂領萬曆甲午鄉薦除成都令三載轉同知西安所轄遼闊俗多頑梗公單車撫循礦賊屏息兩解邊兵至山海關甲仗精整紀律嚴明經略熊公器重之擢工部員外會逆璫創造肅寧宮司空任公安陸府志

卷二十二 十六

監作公辭疾遂特旨稱黨廷弼黜焉逾旬而逆璫敗崇禎初還其官年七十六卒

### 王制

王制字幼度萬曆甲午鄉薦屢副南宮有才名著上海諭遠近問業者鱗集旋除龍門令時粵彞盤踞香山爲崇墉巖堞總督何公檄公毀其城垣公單騎馳往諸倭愕眙不知所自咸震懼無敢迕竟拆香山澳何公歎曰我知非公不能墮此城也尋遷涿州守以丁母憂歸林居二十餘年卒

胡其慥

胡其慥號石廩舉萬曆甲午鄉薦授樂昌令入爲比  
司城擢刑部主事時青宮挺擊一案將興大獄公謂  
罪止首犯不宜累及無辜司寇躡其議侍御劉公貞  
一建言被逮公奉命擬罪雖經駁擬公堅執初議必  
不令朝廷有殺諫官名出守武定漢獠雜處部內有  
楊維揖董漢贇包藏不測欲爲寇應公以計擒二賊  
橫塘一戰斬馘千餘督撫按竒其功交薦之晉雲南  
右叅議值草賊嘯聚攻掠城堡公計畫梟其渠魁群  
安陸府志

卷二十二

十七

從潰散遷貴州叅政時應山楊忠烈公䟽劾魏璫禍  
正熾楚人削籍殆盡公遂決計請歸家居絕跡千求  
坐一室優游文史十餘載迺終年七十有三

胡機

胡機字士衡由萬曆丁酉舉人除鹽亭令賑貧育才  
息訟寬賦鹽亭大治上官廉公才俾攝蓬谿潼川治  
行冠于蜀公仲父副憲公宗洵守叙州多惠政蜀人  
遺思有前後兩胡之稱尋擢保安會邊方多事保安  
要害衆聞缺望公單車就道抵涿而卒

劉蘭

劉蘭字九畹萬曆戊戌進士除南充令三年舉卓異調咸陽召入拜御史巡視下江丁內艱歸家居十餘年光宗立仍以北臺召時軍需不給戶部加派畝餉公疏請除山澤塘堰室廬外起科遂得減五分之四尋掌河南道晉太僕少卿值魏闖擅權東林黨禍日熾公侃侃直節不能阿比取容因奉差還里捐千餘金脩學宮煥然改觀崇禎壬午卒年七十又九

李鍾元

安陸府志

卷二十二

十八

李鍾元字見心萬曆辛丑進士知陝西興安州下車卽力求所宜興除以舒民困常單騎咨訪屬邑議賑議蠲上於所司皆得請州有大盜固結數十年公視事三月卽捕獲渠魁其黨千餘悉解散矣良民董邦枝無大故而一家定九辟公百方解之得末減邦枝率老幼焚香泣拜於庭公曰賴上司神明昭雪爾于我何與也癸卯分考秦闡甲辰覲還卒于官

周士顯

周士顯字思皇萬曆辛丑進士除建陽令政暇課士

□院訪朱紫陽蔡西山後裔建立祠田丙午分校閩  
闡旋擢吏部乙卯典試中州丙辰分考禮闈鶴胎林  
公出其門尋罷歸家居優游林下二十餘年卒

### 胡士龍

胡士龍字九鍾萬曆庚子舉人除建寧令建邑僻處  
山谷民不知法公作好人歌以勸世挽舟歌以懲訟  
建邑有往日丘山暗今朝古月明之謠林下二十餘  
載屏跡城市舉鄉飲大賔著有經書一得篇行世

### 熊臨渭

安陸府志

卷二十二

十九

熊臨渭字望甫中萬曆壬子鄉試初爲安陸諭興學  
作人清廉峻持遷國學陞刑部司務晉主事丁母憂  
歸無棲托處賃居里舍蕭然食貧也起復補戶部奉  
旨發帑金賑饑存二千金竟還內庫卒於官無子僅  
一僕護喪同里楊公鼎熙爲經紀後事始得歸葬

### 田安國 寓國

田安國字元常天啟辛酉與弟寓國同舉于鄉安國  
歷貴溪彭澤江浦令所在有聲遷漳州郡丞因靖海  
氛擢雲南守以疾辭□□初任澄邁□□擊□□不

肯稍貸尋調滕縣滕故寇藪公增埤濬濠撫綏賊黨  
兗東以寧加兗州監紀棄官僑居于杭竟卒

### 鄭友玄

鄭友玄字元韋天啟乙丑進士授青浦令未幾調華  
亭尋拜雲南道御史疏論奄寺變置軍政養豎總戎  
跋扈薊門乃得嚴旨降調因移病歸以欠漕折被逮  
謫戍公性孤刻爲文峭厲自峙別闢蹊徑詩語高寒  
比孟貞曜更欲根究六經昌明絕學甲申避寓南中  
補原官丁母憂歸里杜門著述歷十有六年卒

### 安陸府志

### 卷二十二

二十

### 李樹聲

李樹聲字元修天啟丁卯鄉試授濰縣諭領保安州  
守甫之任吏獻例金公卻之先是火燬圖籍部檄清  
核衆持五千金請上三分之一公謝曰受賂罔上我  
不敢爲歲稔賑饑全活甚衆竟以戇直坐免卒于任

### 楊鼎熙

楊鼎熙字伯鉉崇禎戊辰進士授常熟令潔己愛民  
剔弊除蠹民建祠祀之司理淮安遷吉安守擢叅湖  
□□□□□□□□卒著禮記敬業行世

楊文薦

楊文薦字又如崇禎癸未進士授南兵部武選司主  
事故事衛官承襲於選司有執贄舊例公一槩謝絕  
至雲貴尤隣其道遠面給符節海防同知王璽客死  
於吳其弟爲逆奴所扼公正法於奴保全其家王師  
南征得公寘營中至南昌卒公性孝友爲諸生早有  
文名所著有硯疇茗溪草

李滋白

李滋白號青蓮興安州守鍾元子由己卯歲薦除興  
安陸府志  
卷二十二  
二十一  
國州學訓以撫勦流土有聲檄監軍沔上奉旨就近  
題補華容令又以撫勦土逆授岳州推官署印安鄉  
未朞還里公性清介剛正居官能不愧父風晚年詩  
文自娛布袍蔬食澹如也年七十一卒

潛江縣

初進忠

初進忠少持方正里人多就之折是非洪武中以懷才抱德舉授衛輝府推官直公能斷嫉惡至無所容數規守不法事守中傷之調沙縣令卒於任俸入僅足具棺殮妻子幾不能歸其後乃有子灝

李宗信

李宗信監生洪武中授監察御史多所建白累賜璽書改大理評事出守保寧府躬均賦役驗丁覈實民

安陸府志

卷二十二

二十二

利賴之會銓司奏績出特旨曰李宗信能臣也不在考列永樂間擢交趾按察使時交趾初附宗信忠義滋奮約矢天日吏民畏服以老乞歸賜鈔俸年八十終祀鄉賢

余克禮

余克禮洪武三十年貢士任廣西南丹衛經歷陞西安府推官有斷才獄訟疑難莫決者公剖析如流摘發吏胥奸弊人稱神明

何淮

何淮洪武 年貢士任禮科給事中操守清嚴尤  
饒幹才每有建白不畏強禦其風裁稜厲以剛直自  
負權貴莫不憚之

李本洪

李本洪宣德元年貢士四川成都府推官理刑必反  
覆詳慎參伍律令酌之民情然後成獄由是民無冤  
抑案無留牘以明允稱年八十終

章瑛

章瑛宣德二年進士授行人遷戶部員外郎公持己  
嚴潔自圖書而外泊然一無所嗜移戶曹務尚清慎  
度支出入纖毫不苟廉靜剛介之節見重于時

初灝

初灝字永清進忠子少有至性痛父不逮養奉母竭  
力饗殮或不給讀書爲文澹然自足宣德十年以賢  
良方正舉授清河主簿在官民安其政冰蘖之操始  
終不渝人稱孤松傲雪

袁允行

袁允行字克修正統丁卯舉人任鉛山知縣勤政寬

賦不爲束濕吏習民安九載歸田閉門讀書後子珣亦舉於鄉爲臨桂令世宰沃邑所居僅誅茅蔽風雨蕭然若寒士萬曆中祀鄉賢

### 嚴賓

嚴賓字邦贇成化己丑進士任南城令擢南京廣西道御史以抗疏調盱眙復除太平卒於任俸入不能具殮葬天性嚴毅取予嚴一介居官人莫敢犯每食止具腐南城人稱爲嚴豆腐則平生清苦可知矣其後子謨貢詢詔舉于鄉俱克世其清白

安陸府志

卷二十二

二十四

### 初珍

初珍字 灝之子成化癸卯以尚書領解幼負質敏慧博學強記讀書寒暑不輟奉母以孝聞事從兄如兄盖不愧孝廉云

### 胡瓚

胡瓚字 成化癸卯舉人署長春延津教諭性嚴正以師道自重涖學訓士多所成立陞南京國子監博士守官居鄉以清狷稱

### 初杲

初杲字啟昭正德辛巳進士授御史會議大禮引經抗疏赴東華門大哭聲徹內廷世宗震怒廷杖幾斃後疏劾都御史席書不當驟轉禮部尚書朝紳震懾是歲巡視河東鹽法濬河渠築堤堰饑政大舉商民便之立祠以祀焉尋轉河南僉事分巡睢陳擒滅流賊王長子洪輔等數千人轉雲南副使叅政乞休歸田十有九年卒

### 劉勲

劉勲字建伯嘉靖戊子領鄉薦初授裕州學正陞國安陸府志

卷二十二

二十五

子學錄日與四方名儒倡明良知之學擢刑部主事尋補工部員外司節慎庫修琉璃河出貳河東運司三歷財賄府而所在留清白聲投林之日飯糲衣垢好學不倦年七十終祀鄉賢

### 張師載

張師載字巨坤嘉靖丁未進士以宰邑高等擢南吏科給事中時分宜持國柄師載抗疏劾其姻戚居津要者分宜銜之出守萊州密屬私人吹求瑕疵竟不可得分宜去位繇淮陽兵憲超拜都御史巡撫陝西

討漢中妖賊有功後以病乞休卒

### 郭嵩

郭嵩字叔中嘉靖癸丑進士司理杭州多所平反擢兵科給事籌邊言事悉中機宜忤時相以風霾更置言官左遷華亭丞轉安慶司理平反一如杭郡人德之與主爵有夙釁罷歸

### 胡鑰

胡鑰字衛卿嘉靖丙辰進士授行人擢監察御史督河東齟政奏復南陽爲行鹽地風裁赫然晉廣東叅安陸府志

卷二十二 二十六

議持躬清正官方肅然振齊所至有善政務在撫輯恩威所及粵民無不感慕以繼母老乞終養疏旨痛切上憐而允之

### 何棟

何棟字孟吉嘉靖甲子舉人性端凝不苟言笑自登賢書以來惟杜門養重未嘗干請有司三徑蕭條猶然諸生時也臨卒之日棺衾飯含皆友人爲之治具焉

### 袁國臣

袁國臣字繼隣隆慶辛未進士授行人使楚藩餽金弗受藩王高其誼已擢給事中有仕人以千金干請輒麾之門外兩者皆立身大節也繇諫垣歷江西兵憲飭兵徽寧蕩平巨寇劉虞等蒙褻蹠之賜尋晉山東叅政以病卒

### 劉垓

劉垓字達可刑部主政勲子隆慶辛未進士以春秋掄魁初任司理嚴肅有風裁歷官雲南學憲能以文教興起士風歸田一意講學羣翕然宗之置義田義塚以贍貧者葬死者鄉人至今稱焉

### 唐邦瑞

唐邦瑞字貞伯由歲薦初丞錢塘興湖陂之利百姓賴之後擢宰北流行政安靜不擾獯獪帖服不忍犯居鄉恂雅樸茂不設畦畛里人無小大見之躁妄盡釋時論重之

### 歐陽蒸

歐陽蒸字憲文廬陵先生後也公資性敏妙涉目成誦崇禎丁丑成進士除江都令愷惻慈祥若出天性

向人動披情愫無復有匿指至遇盤錯則割然立解  
在職稱不媿云

劉肇國

劉肇國字阮仙崇禎癸未進士 本朝國子監祭酒  
公在成均時善於獎掖人才振興文教一時四方賢  
雋多所成就晉秩學士教習庶吉士春容謙恭能持  
大體爲館閣雅望性慷慨喜立然諾親故待以緩急  
凡遊人至門者皆資給之尋以假歸卒於江南

沔陽州

劉琢

劉琢字玉相沔陽人永樂癸未鄉貢授葉縣訓導遷陳留教諭國子助教加翰林檢討仍領助教事後致仕琢在陳留時施教有方多所造就去後士紳思之因請崇祀名宦

虞信

虞信字尚忱沔陽人永樂中以幾貢拜監察御史立朝有直聲擢四川按察副使先是蜀有悍民爲鄉邑患當道皆莫敢發信首除之人服其剛遷山東按察使九年吏畏民懷終河南左布政使卒千家信性亢直人不敢干以私在山東有屬吏犯法以金研遺其子信覺繫其子上之朝英宗命付信自治信竟撲殺其子

邵暹

邵暹字賓旭永樂壬辰進士授中書舍人陞禮部郎中精通譯字宣宗命入草詔筆凍紙汗自分得罪上命易紙書之神色自如

陳勛

陳勛字功懋舉永樂庚子鄉試授吏部司務出守青州地瘠民悍加意拊循興學造士教民孝弟力田每行縣省耕繪爲勸農圖以足疾告歸民有去陳府百姓苦之謠云

劉鈺

劉鈺字世美成化丙戌進士改庶吉士授戶部主事嘗督課九江防閑甚嚴羨餘悉貯府庫尋守常州廉能勤慎吏民敬憚豪右犯法至自經不敢見母喪幾無以爲殮服除改守處州未幾父卒鈺感疾亦卒鈺剛介自持所歷嚴肅歸自常民有追送者以二瓜爲餉剖之乃金百餘急還而遣之毘陵至今祠祀焉

童旭

童旭字賓暘其先隨人元季徙家于沔弘治己未進士除知上高三月而芝生遷戶部主事正德辛未兩河盜起朝廷出師討之督理糧儲於河南江北間以功擢知兗州府正直忤魯藩調桂林三年遂歸

傅頤

傳頤字師正嘉靖壬辰進士除廬陵令陞兵部武選主事歷郎中調爲考功以司京察時宰銜之以武選假寶事調判六安累轉戶部倉場忤分宜鄉人遂被論歸再起戶侍晉南京掌院上時政五條下部舉行轉戶部尚書告老歸

### 胡彥

胡彥字稚美嘉靖辛丑進士授太常寺博士選山東道御史條陳國家便宜數策其一建太子云巡視陝西茶馬革積習著有茶馬考巡按江西豪猾抵誅不

安陸府志

卷二十二

三十一

少貫典試所取多名士

### 陳栢

陳栢字憲卿嘉靖庚戌進士以才望調兵部職方司備兵井陘以不合分宜左遷歸閉門著述年六十修高年會比香山洛社所著蘇山全集行於世

### 張栢

張栢字介甫中嘉靖戊午鄉試任四川太平令艱歸補河南新安縣所至皆有惠政清操自持囊無長物蕭然貧士也以壽終

丘騰

丘騰字子雲嘉靖壬戌進士除固始令甫下車謁□  
叔敖祠嘆曰此非昔之循良乎每舉以自勵清守□  
污遷戶部主事督賦德州卒於官所輯有座右醒心  
錄

蕭遍

蕭遍字文明嘉靖乙丑進士除刑部主事爲郎時治  
陸錦衣獄夜賂以千金却之恤刑浙江平反甚多歷  
官有惠政著南紀集

安陸府志

卷二十二

三十二

王頤

王頤字觀生隆慶戊辰進士授桂林府推官撫猺獐  
平獄訟廉能上聞拜南禮科給事中有直諫名出守  
池州簡除繁科與民蘓息郡邑至今頌之

趙鋌

趙鋌字仲琰少有文譽中隆慶丁卯鄉試授清苑令  
性耿介不畏強禦與中官相忤調簡爲施屏縣令卒  
於官人惜其未究云

沈正隆

沈正隆字上卿萬曆己丑進士授南充令艱歸起補內江兩縣皆蜀嚴邑多權貴公以嚴治法在必行人無撓者擢貴州道御史出按雲南稅使橫甚以計裁之滇人安堵

蕭迎

蕭迎字文靜遍之兄也以貢授隨州訓尋爲泗水容城尹泗水邑小民貧容城多中貴數撓法公寬嚴爲治皆得民和

鄧一儒

安陸府志

卷二十二

三十三

鄧一儒字汝爲領戊子鄉薦初授南直繁昌令有廉能聲忤權貴量轉高唐州守任甫數月致仕歸里奉爲先進年九十終

童述先

童述先字善卿中丁酉鄉試初授永昌理平先有聲遷北司城續轉南計督稅濬河江浦之民賴之隨擢粵西守以忤逆璫歸復賜還被斥諸臣入啟事者再竟不就年八十終

王極

王極子建之天啟壬戌進士戶部主事遷郎中是時  
璫禍方烈公出守青州各郡建璫祠率恐後公故務  
慎以緩之璫敗廉各郡祠青州獨無奉旨卓異賜帑  
金擢督學關中年未及艾解組歸闢綠合園吟咏其  
中一日端坐而逝崇祀鄉賢

景陵縣

呂中

呂中字子正洪武中以人才辟舉授四川照磨父蚤喪奉母極孝每夙興焚香四拜具甘旨及母喪廬墓三年乃歸居官有聲宣德間上疏請免縣民歲造弓矢三之一以蘇民力邑人德之

李慶

李慶字積善宣德間以歲薦授建昌同知同官治賦者慮愆期致罪追索甚急慶爲緩期民悅之輸納無  
安陸府志 卷二十二 三十五  
敢後以憂去民追送出境陞南戶部郎中調禮部儀制遷兩浙鹽運使有持券請鹽者按歲月先後給之二年歲課三倍尋乞歸卒于舟歿之日無以爲喪邑人至今稱之

郭軒

郭軒字文載成化庚子舉人除盧氏教諭以師道自任多所造就陞福建連江令與丞不合卒于官丞制之不得發縣諸生爲扶柩而出軒以剛正見重士類諸生顯者過縣必拜其墓

徐鵬

徐鵬字巨卿正德癸酉領鄉薦授四川馬湖府推官遷撫州通判却餽金辯冤獄政尙平易所在有聲尋改雲南維摩州守致仕歸絕跡公門爲鄉評所重

程鴻

程鴻字子漸領正德癸酉鄉薦初除通江令繼補鹽城改判饒州遷知通州歷官十五年以仁恕清慎聞因議割郡地與邑紳不合棄官歸部檄徵之不起年七十二卒邑稱爲東盤先生云

安陸府志

卷二十二

三十六

魯彭

魯彭字壽卿號夢野祭酒魯公鐸子正德丙子舉人任廣東樂會令平易近民勤恤賑濟全活甚衆一日海上漁人以玳瑁獻公投之海濱回顧數四而逝因作海問賦去任民爲生祠以祀焉著有離騷賦鴈門小橋稿藏于家弟嘉己卯領鄉薦子佶登辛卯賢書爲太平郡守

陶之肖

陶之肖字克踐嘉靖壬子舉人署歸安教諭修葺學

宮有雙鹿直入馴伏不去因立來鹿亭勒碑爲記遷四川東鄉令清正不阿陞江西袁州郡丞乞休歸里奉母四十年有白鳩巢于其堂

### 劉世臣

劉世臣字致吾嘉靖辛酉舉人初除臨潁令甫蒞任痛革舊例清徵收定審里甲見年差役留心民隱頗著政績後改四川大昌令致仕歸

### 吳文佳

吳文佳字士美嘉靖乙丑進士司理徽州徽多富人

### 安陸府志

### 卷二十二

### 三十七

好游郡國守相以爲榮公嚴杜請謁訊兩造片言摘窺礦賊起以計捕禽其魁尋遷刑部主事移戶曹司權臨清以廉覈聞召入爲給諫晉工科都自踐垣以來彈劾不避權勢出爲河東叅政擢福建右藩以前卻中考功令應徙官而歸年六十九卒

### 周芸

周芸字用馨嘉靖乙丑進士筮□□城多異政曾斷東□西城兩女子還魂事咸稱神君歷兵科戶科給事□□聲穆宗憂寵之入朝不名□是剛直見忤謫

知大名神宗踐祚素聞公誼遷福建叅議偶夢中自  
撰一聯云春山雨過含青色石洞雲深鎖翠煙遽然  
覺曰夢告我矣卽具疏乞歸子命領萬曆丁酉鄉薦

謝廷敬

謝廷敬字宗文隆慶戊辰進士授行人陞刑部郎治  
行卓越爲鄉國所推如崇祀勘語解衣覆仆道之青  
衿抗疏誅奪情之元輔讞決江淮岸獄悉蒙平反冊  
封齊晉餽遺不染纖毫盖實錄云

徐成位

安陸府志

卷二十二

三十八

徐成位號中庵隆慶戊辰進士授舒城令適寶應民  
變調公治之恩威並著反側以安繇是考最入爲禮  
部郎出守徽州會歛因貢絲激變公以歲課贏羨代  
歛輸而置首惡於法亂乃定越四年副憲山東墨吏  
望風解組移嘉興丁父艱歸爲景陵減夫徭增驛馬  
汰浮糧築東西堤至今賴之再起備兵登萊練土著  
習水戰出奇敗倭於海上晉秩叅藩遷蜀右轄謝病  
歸里三年薦起撫滇命下而公遽卒

李登

李登號華臺領萬曆癸酉鄉薦第一庚辰成進士授大理評事未及二年遂被病卒邸中自孝廉至服官未嘗拓一柄舍增甌脫地築圃郭外吟嘯其中於書無不窺發爲詩歌皆高宕飲酒數斗不亂射輒命中投壺能使矢躍丈許爲樂里中要害侃侃爭於上□退則蕭然不問邑人稱其長者子純元庚戌進士授工部主事陞陝西叅議辭不就里居二十年有陶白超曠之致

陳所學

安陸府志

卷二十二

三十九

陳所學字正甫萬曆庚辰進士授歷刑部主事工部虞衡典試滇南司權武林守新安政刑清簡尤篤意人才尋擢山西提學分巡冀北時順義擁衆叩關公親臨設備竟尋盟去轄福建右司與直指論人相忤力乞歸不獲遷浙江左轄巡撫山西歷晉大司徒蒞任日值給諫楊公璉疏劾逆璫禍且不測公與諸大僚上疏力救不報璫邀閣部議事公侃侃辯折逆璫默然公遂決計請歸年八十卒遺命勿請祭葬所著有松石園鴻濛館諸集

朱一龍

朱一龍字虞言萬曆壬辰進士司理蘇州材敏斷讞決多所平反時太守朱燮元郡佐朱芹咸著卓異有一郡三朱之譽庚子分考南畿明年遷吏部終考功卽中

夏敬承

夏敬承號象贇萬曆丁酉舉人除新鄭令招撫流移設四徵法令按季輸納兩臺取其法著爲例治聲大振尋以臺省被徵因病乞休里中垂十載始補南京

安陸府志

卷二十二

四十

畿道御史屢䟽國家重務俄因內侍掛議請告歸

吳文企

吳文企號白雪萬曆戊戌進士除南戶部主權武林北新關減雜稅三百餘金有翼璫而虎者抵於法盡除其害出守寧波尋丁母憂家居五載補湖州守寇盜聞公至皆解散備兵關西未幾調寧夏寧夏古朔方地叛服不常而銀定獨點時有老僧爲邊人所尊信公用其計畫銀定納款貢名馬事聞資金賜秩一日忽夢幡幢鼓吹來迎遂端坐而逝

謝竒舉

謝竒舉號鳳毛領萬曆癸卯鄉薦授什邡令重士愛民有循良聲未幾奢亂起攻陷州邑什邡孤城無援公扞禦有方竟乃保全巡撫周公著疏薦擢御史巡按陝西會權璫肆虐公奮不顧身疏發其奸不報又糾叅秦撫喬某貪黷諸狀一時臺省凜然怵服尋乞休歸

胡承詔

胡承詔號侍黃萬曆甲辰會魁授夾江令招集逋亡

安陸府志

卷二十二

四十一

民以樂業調內江愛民造士平鹽課馬價申飭爲令遷南禮部主事調驗封晉稽勲郎中旋丁艱服闋督學四川清公著績遷河南叅藩未發而奢難作分杆東城躬冒矢石以守城功晉按察使擢山東右轄四川左轄其所署高下銓司視以黜陟遷南太僕駐節滁州辛未致仕歸未幾卒

魏士前

魏士前字瞻之萬曆庚戌進士授蕪湖令調吳江遷南戶部主事備兵潁州會龍華變起不數月戡定之

及奸璫開屯江淮汝穎所在騷動公調劑有法全活數萬人以忤璫免歸懷宗初補冀寧道平渠賊神一魁等轉川北道劾蜀藩御門僭制事再遷榆林道尋疏乞休戊子卒年六十五

### 劉必達

劉必達字士徵天啟壬戌會試舉進士第一授編修注起居管誥勅纂修國史奉詔冊封瀋藩晉侍講神宗實錄告成賜金帛陞春坊右中允因母春秋高決計請歸不五年而恩詔再起竟陳情終養卒公生平安陸府志

### 卷二十二

四十二

樂易無忤胸懷坦直服官十餘年以清正著里人至今稱之所著有小山亭集行世

### 王鳴玉

王鳴玉字六瑞天啟壬戌進士選庶吉士改吏工二科給事性蹇諤不避權貴逆璫見忌遂外擢隴右叅政出都日猶疏請上攬權遠奸媿媿數千言崇禎初特旨召還授刑科給事尋以公事免遷膳部遂疏請歸著有補山齋詩集

### 譚元方

譚元方字正則領天啟甲子鄉薦授高苑令敏練豁  
達剖決如流以禦賊功調汶上陞蘇州海防同知復  
調邳宿分管鹽運時海壅河決漕運不繼連坐諸大  
臣公開泲河殺水勢又鑿新渠四十里䟽聞賜秩加  
金陞柳州知府奉旨赴部調用復補廬州陞安廬兵  
備道晉副使招撫流移解散白蓮妖黨聞郢失守以  
老疾乞歸

龔奭

龔奭字君路崇禎辛未進士授桃源令邑苦征役公  
安陸府志  
卷二十二  
四十三  
䟽請蠲舊逋招撫流亡緩徵却耗民爲效義時黃河  
爲害修繕有方復築城脩學百廢俱舉擢兵部主事  
尋掌銓曹未幾丁內艱回籍卒

譚元禮

譚元禮字服膺崇禎辛未進士初授德清令端潔公  
方纖芥弗苟嚴公私請託紳士罔敢干以私奏最陞  
戶部主事奉詔入京至維揚道中卒著有詩文集若  
千卷藏於家

沈倫

沈倫字彝士順治己丑進士特授梧州守隨定藩營前運畫方略頗著勞績甫蒞任招徠撫循凋敝漸起革鹽廠陋弊商人戴德定藩疏薦擬擢監軍命未下而卒

劉渾孫 臨孫

劉渾孫字厚存順治壬辰進士授永平司理性剛直耿介冰蘖自持鞫讞獄無冤抑其風裁振厲豪右斂跡胥吏凜然不敢犯廉能之聲著於畿輔尋以公出卒于行署時論惜之弟臨孫壬辰同成進士授弋陽安陸府志

卷二十二 四十四

令有善政亦卒於任所著有弋備草甜雪集石我亭詩稿藏家

譚元亮

譚元亮字擬陶友夏季弟也崇禎庚午副榜由恩選入國學署漢川諭時兵燹之餘士氣不振公修葺學廡教育諸生周其困乏貧不能給者衣食之曾客武昌有湖南應試者暴卒邸舍公盡出客資殯之不問姓名至今江漢間猶追思遺澤焉公性倜儻豁達有遠識嘗云人不遊覽名勝接見文人快士縱讀盡古

人書無以暢發竒懷故徧歷湘南吳越鄒魯夔門所  
至有靈谷詩秋江近艸夔還集陽臺集藏於家晚年  
築室寒河年六十四一日具禪衣沐浴召家人訓勉  
畢端坐而逝以子篆貴贈翰林院檢討

荆門州

張天麒

張天麒洪武初知景陵與指揮李廷琛修築城垣協力保障境內賴之

胡琳

胡琳永樂初由監生任易州守戢盜馭民境內晏然遇事盡理無不當情法人以神君稱之卒葬州之南臺其墓每年自長竟成大塚

朱敏

安陸府志

卷二十二

四十六

□敏字永昌永樂壬午鄉試後任御史廉而有守以累被抄囊無贏餘箱惟敝衣成祖聞之賜以鋪陳褥被各二套以寵異之卒於官及歸葬復勅沿途有司祭奠其禮遇如此

胡謁聖

胡謁聖字由貢士授福建樂源縣令吏治廉幹卓有能聲公性剛方正己率物人不敢干以私素好涉獵書史以博洽稱

胡榮

胡濬字 正德間以明經除河南虞縣令居官清廉取與不苟深爲上臺器重交章薦剡竟以病卒於任士民哀號靈輻者三日

羅傅

羅傅字 嘉靖己丑進士幼負夙慧年十二舉神童登第時方垂髻承恩奉詔歸娶里閭爭羨以爲榮今北門石坊尚存

盧江

盧江號靜山嘉靖丙午舉人歷任雲南曲靖軍民知府素嫻方略時土酋叛服不常公身親擐甲屢立奇功咸稱其有文武兼才云

黃點

黃點字淑宇由選貢除令廣西賀縣縣僻小初無科第點復講學勤考課以作勵多士會鄉闈檄點分考揭曉時賀縣仍無中式者點向主司懇求于賀縣硃卷內任中一名以廣朝廷文德之化此縣始得開科焉三載天旱點膝行祈禱三日而雨至今生祠之公明理學通五經設講堂於沙洋之西從學者常百餘

人至名其山曰夫子山兄照領嘉靖乙酉鄉薦先以神童名

### 胡永臣

胡永臣字 由歲薦授四川黔江令地轄土司多跳梁公初至設席迎公具人首三劔公識其爲麪所作卽啖其雙睛酋長有不法者立擒其黨土司由此戢服不敢犯秩滿致仕民立紀績頌之

### 費思箴

費思箴號占南萬曆癸酉舉人任揚州同知勸農桑興水利相度經營不憚浚築之勞至今遺澤猶存民甚愛戴之

### 胡化

胡化號心古領萬曆壬午鄉薦除四川陂縣令遷漢中同知蒞政嚴肅不畏強禦郡邑凜然憚之里居時因州有弊政抗疏闕下舉朝嘉其侃直臨歿里人夢陂縣迎官者至後相傳作陂縣城隍最靈云

### 周之翰

周之翰號景玉□□□辰進士任戶部郎中監兌通

州因礦稅盛行抗疏極諫忤旨且觸中貴怒罷歸讐黨截其裝橐了無長物一時朝野歎服屢疏薦擢堅隱不出所著書藏于家盡爲兵燬崇祀鄉賢

### 周法

周法字行甫生時母夢一書生來曰吾崑崙竒宿也既寤生法宛如夢中所見讀書目十行下作文不經思立就年十九以恩選授河南原武令值河溢爲患著有修河要紀河源疏聽訟遇疑難必質之於母歲凶歉以去就爲民請命終養歸僅載書一車琴磚數片而已

### 胡宗瑜

胡宗瑜字伯瑕天啟甲子領鄉薦任四川開縣教諭應聘分考雲南鄉試遷廣東臨高令潔己愛民所至有聲民立祠祀之宦遊十載仍是舊田三十畝州守有主藏吏宜抵罪命求公書乃免公曰若果犯法則法焉可枉若罪可原則何必囑託卒謝不受

### 賀德邵

賀德邵號戒菴以選貢授河南修武令調山東臨邑

縣初爲諸生時嘗徒步入城路過麻城舖拾遺金二百餘兩畱三日待其人來舉而還之宰臨邑遇旱荒設法賑濟全活數萬口崇祀名宦鄉賢

萬元輔

元佐

萬元輔字佐明由歲貢任河南靈寶令招集流移民賴以安卒以清苦不合時宜罷歸弟元佐亦以歲貢授山東城武令甫至見邑賦繁重不忍催科上官嚴檄雨下乃歎曰寧以身殉斷難苦我百姓竟自經以死

安陸府志

卷二十二

五十

當陽縣

李讓

李讓字 永樂壬辰進士性端恪務以古人言行自砥礪初授大理寺評事歷廣東右叅議居官有治聲清正特操初終不渝卒於官

姚廷用

姚廷用字舜卿其先臨江人父徙居當陽由國子生授四川嘉定州同知時守尚嚴明公一以慈和濟之繕城郭治輿梁歲大饑賑存活千餘人遷衛輝府通安陸府志

卷二十二

五十一

判卒於皖城

姚會

姚會字文甫廷用之孫嘉靖己酉舉人授嘉定州學正卽廷用舊治教愛士子多所成就遷四川南溪令有善政十二事民甚賴之建祠祀焉

聶武

聶武字仁卿隆慶丁卯領鄉薦除陝西富平令涖政精嚴發摘如神有僧盜匿民婦歷年無問者公廉得狀置之法立焚其寺一邑稱神明焉

葛希賢

葛希賢字子良負雋才累試高等不第萬曆間以歲薦通判浙江紹興府清慎自矢署篆上虞民有殺人應抵者其親識懷八有金賂免公艱然曰人命至重鬼神難欺君不以德義相成而行暮夜之金將墨吏我耶生慙悚而退會與上官不協拂衣歸異母弟希俊亦以歲薦丞秀水還里兄弟優游林下墳籍相娛士論高之

李應麟

安陸府志

卷二十二

五十二

李應麟字振公萬曆乙酉以選貢中順天鄉試初授四川井鹽令以清介自持有異政遷鎮寧知州刑清訟簡一切以宜民爲本未幾卒於官貧至無以爲殮

馮世廉

馮世廉字澹如以歲薦任浙江仁和丞邑處煩劇公明敏過人有治幹才每上官疑獄一讞卽決多所平反然長才小就非其志也甫一載卽乞休優遊林下二十年卒

吳九思

吳九思號時泉以歲薦任黃岡訓導與諸生析經訂  
藝有貧者輒資以俸遷合江令有惠政尤加意作人  
素所賞拔皆成進士咸服其濠鑑

論曰富貴有盡而功名無盡當窮約時握三寸管坐  
卧一編但欲致身富貴乎亦猶有志功名也讀宦業  
傳有清者勤者慎者慈惠者剛直者明敏者公正者  
義不負國遺愛在民則庚桑畏壘朱邑桐鄉焉可忘  
也否則循序而進致位通顯史籍不能存其事井里  
不復知其人名隨身去竟同秋草悲哉